



ТӨРИЙН ӨМЧИЙН БОДЛОГО, ЗОХИЦУУЛАЛТЫН ГАЗРЫН ТОГТООЛ

2022 оны 06 сарын 30 өдөр

Дугаар 334

Улаанбаатар хот

Шалгалтын мөрөөр авах арга хэмжээний тухай

Төрийн болон орон нутгийн өмчийн тухай хуулийн 11 дүгээр зүйлийн 1, 2 дахь хэсэг, 66 дугаар зүйлийн 3 дахь хэсгийг тус тус үндэслэн “Эрдэнэсант АЗЗА” төрийн өмчит хувьцаат компанийн 2021 оны санхүү, эдийн засгийн үйл ажиллагаанд хийсэн баримтын шалгалтаар нийт 410.0 сая төгрөгийн зөрчил, дутагдал илэрснийг тэмдэглээд ТОГТООХ нь:

1.Төрийн өмчийн бодлого, зохицуулалтын газрын 2021 оны А-1/66 дугаар албан даалгаврын хэрэгжилт 61 хувь буюу “Эрчимжүүлэх шаардлагатай” байх тул албан даалгаврын хэрэгжилтийг ханган ажиллахыг “Эрдэнэсант АЗЗА” ТӨХК-ийн гүйцэтгэх захиралд Д.Баатарт үүрэг болгосугай.

2.“Эрдэнэсант АЗЗА” төрийн өмчит хувьцаат компанийн санхүү, эдийн засгийн үйл ажиллагаанд хийсэн баримтын шалгалтаар илэрсэн зөрчил, дутагдлыг арилгах арга хэмжээний жагсаалтыг хавсралтаар баталсугай.

3.“Эрдэнэсант АЗЗА” төрийн өмчит хувьцаат компанийн Төлөөлөн удирдах зөвлөлд дараах арга хэмжээг авч хэрэгжүүлэхийг зөвлөсүгэй:

3.1. Шалгалтаар илэрсэн зөрчил дутагдал болон тогтоолын биелэлтэд хяналт тавьж ажиллах;

4.“Эрдэнэсант АЗЗА” төрийн өмчит хувьцаат компанийн гүйцэтгэх захирал Д.Баатарт дотоод хяналтыг сайжруулж, дор дурдсан арга хэмжээг авч хэрэгжүүлэхийг даалгасугай:

4.1.Шалгалтын тайланд дурдсан зөрчил, дутагдлыг арилгах арга хэмжээний төлөвлөгөө боловсруулан хэрэгжилтийг ханган ажиллах;

4.2.Төрийн болон орон нутгийн өмчийн тухай хууль, Төсвийн тухай хууль, гүйцэтгэх захиралтай байгуулсан контрактаар олгосон эрхийн хүрээнд үйл ажиллагаагаа зохион байгуулах, эдийн засгийн үндсэн үзүүлэлт, зорилтот түвшинд туссан зардлаас бусад зардлыг санхүүжүүлэхгүй байх;

4.3.Худалдан авах ажиллагаанд “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хууль”, Сангийн сайдын 2021 оны 102 дугаар тушаалаар баталсан “Худалдан авах ажиллагааг төлөвлөх, тайлагнах журам”-ыг мөрдөн ажиллах;

4.4.Хөрөнгө оруулалт, зардлын төлөвлөгөөнд тусгагдаагүй бараа, ажил, үйлчилгээ худалдан авахыг таслан зогсоох;

4.5.Төв аймгийн Лүн сумын Номт багийн нутаг дэвсгэрт байрлалтай шуурхай ажлын хэсгийн байрны 5525 м.кв газрын эрхийн гэрчилгээг баталгаажуулах арга хэмжээ авч ажиллах;

132002524

4.6.Төрийн өмчийн бодлого, зохицуулалтын газрын 2022 оны 65 дугаар тогтоолоор баталсан “Өмч хамгаалах Байнгын зөвлөлийн үйл ажиллагааны журам”-ыг мөрдлөг болгон ажиллах, зөвлөлийн үйл ажиллагааг тогтмолжуулах, төрийн өөрийн өмчид бүртгэлээр тавих хяналтыг сайжруулах;

4.7.Элэгдэл хорогдлын шимтгэлээрээ анхны үнээ нөхсөн, цаашид ашиглах боломжтой үндсэн хөрөнгийн ашиглалтын хугацаа болон үнийг шинэчлэн тогтоох, саналыг бэлтгэн зөвшөөрөл авч үндсэн хөрөнгөд бүртгэх;

4.8.Шалгалтаар илэрсэн зөрчил, дутагдалд хяналт тавьж ажиллах үүргээ хангалтгүй биелүүлсэн “Эрдэнэсант АЗЗА” төрийн өмчит хуулийн этгээдийн эрх бүхий албан тушаалтанд хариуцлага тооцох;

4.9.Тогтоолын биелэлтийг 2022 оны 3 дугаар улиралд багтаан Төрийн өмчийн бодлого, зохицуулалтын газарт ирүүлэх;

5.Шалгалтаар илэрсэн зөрчил дутагдлыг арилгах, давтан гаргахгүй байх чиглэлээр анхаарч ажиллах;

6.Энэхүү тогтоолын биелэлтэд хяналт тавьж ажиллахыг Төрийн өмчийн хяналт шалгалтын хэлтэс (Ц.Түвшинзаяа)-т даалгасугай.


ДАРГА

Б.ЦЭНГЭЛ

ТӨРИЙН ӨМЧИЙН ХЯНАЛТ ШАЛГАЛТЫН
ХЭЛТСИЙН ДАРГА

Ц.ТҮВШИНЗАЯА

Төрийн өмчийн бодлого, зохицуулалтын газрын
2022 оны 06 дугаар сарын 30-ны өдрийн
~~33~~ дугаар тогтоолын хавсралт



“Эрдэнэсант АЗЗА” төрийн өмчит компанид хийсэн
шалгалтаар илэрсэн зөрчил, дутагдлыг арилгах
арга хэмжээний жагсаалт

Д/д	Зөрчил дутагдлын утга	Мөнгөн дүн /сая төгрөгөөр/	Зөрчил дутагдлыг арилгах арга хэмжээний жагсаалт
1	Тендерийг зохион байгуулахдаа худалдан авах ажиллагааны журмыг буруу сонгосон.	410.0	Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийг болон Сангийн сайдын 2021 оны 102 дугаар тушаалаар батлагдсан “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах төлөвлөх, тайлагнах журам”-ыг мөрдөж ажиллах.
2	Төв аймгийн Лүн сумын Номт багийн нутаг дэвсгэрт байрлалтай шуурхай ажлын хэсгийн байрны газрын эрхийг баталгаажуулах	-	Газрын эрхийг баталгаажуулан авах
Нийт хяналт шалгалтаар илэрсэн зөрчил дутагдлын дүн		410.0	Дөрвөн зуун арван сая төгрөг